

Gabinete Mike Eman ta consisti di nueve minister



ORANJESTAD – Ayera atardi pa mas o menos 4'or di atardi formado Mike Eman a haci entrega oficial di su rapport na Su Excelencia Gobernador Freddy Refunjol pa loke ta trata formacion di gabinete Mike Eman 2.

Despues di formado su reunion cu gobernador e a sali papia cu prensa pa asina oficialmente informa pueblo di e

decision final. For di reunionnan hiba den ultimo siman nan cu gremionan y gruponan concerni, formado a conduci na e decision final cu gabinete Mike Eman 2 lo consisti di 9 minister. Carteranan a wordo reparti y pa prome biaha den historia di nos pais, Aruba lo conoce un gabinete di 9 ministerio.

MINISTERNAN

Gabinete Mike Eman 2 ta consisti di, 1. sr. Mike Eman, Prome Minister di pais Aruba, 2. Arthur Dowers, Minister di Husticia, Verslavings Zorg y IASA, 3. Otnar Oduber, Minister di Turismo, Cultura cu Agricultura Cria y Pesca y Transporte, 4. Michelle Winklaar, Minister di Enseñanza, Enseñanza pa Adulto,

Maneho di Famia, 5. Alex Schwengle, Minister di Salubridad Publico y Deporte, Cuido di nos grandinan, 6. Paul Croes, Minister di Asuntonan Social y tambe Labor, 7. Mike de Meza, Minister di Economia, Companianan di Utilidad y NV di Gobierno, Energia y Medio Ambiente, 8. Benny Sevinger, Minister di Infraestructura y Estranhe-

ria, 9. Juan David Yrausquin, Minister di Financia y Reformacion di Gobierno.

PENDIENTE

Segun Eman, pendiente ta keda e posicion di Minister Plenipotenciario pa Den Haag Hulanda, for di cual sr. Richard Arends a wordo acerca pero e decision final, ainda no a keda concretisa. □